



D.o.o. „TRA“ Agencija za razvoj općine  
Tešanj, Trg Alije Izetbegovića br.11  
74260 Tešanj  
Tel./Fax: +387 32 650 608; +387 32 650 390;  
e-mail: tra@opcina-tesanj.ba

Broj:115-1/14

Datum: 10.10.2014.godine

## ZAPISNIK

XI sjednice Nadzornog odbora „TRA“ d.o.o-Agencije za razvoj općine Tešanj

**Zapisnik vodio:** Muhamed Džihić

**Prisutni članovi Nadzornog odbora Agencije:**

1. Amir Kurtić
2. Rasim Omerbašić
3. Muharem Saračević

**Prisutni :**

1. Ismar Alagić direktor Agencije TRA

Sjednica Nadzornog odbora „TRA“ d.o.o-Agencije za razvoj općine Tešanj, održana je u srijedu 08.10.2014.godine, sa početkom u 15:20 sati u kancelariji Agencije za razvoj općine Tešanj sa predloženim slijedećim tačkama dnevnog reda:

1. Utvrđivanje zapisnika sa X sjednice Nadzornog odbora Agencije TRA
2. Informacija o realizaciji projekta: „Podizanje zasada maline“
3. Razmatranje o prijemu uposlenika za potrebe realizacije projekta: „Podizanje zasada maline“
4. Razno

Predsjednik Nadzornog odbora Agencije g-din. Amir Kurtić iznio je na raspravu predloženi dnevni red za jedanestu sjednicu Nadzornog odbora Agencije TRA. Prijedlog dnevnog reda članovi Nadzornog odbora su jednoglasno prihvatili.

### Ad 1.

Po prvoj tački dnevnog reda Predsjednik Nadzornog odbora Agencije g-din. Amir Kurtić je iznio na utvrđivanje zapisnika sa prethodne sjednice Nadzornog odbora. Ostali članovi nisu imali primjedbi te je Nadzorni odbor jednoglasno donio:

## ZAKLJUČAK 1

**Usvaja se zapisnik sa desete sjednice Nadzornog odbora TRA**

### Ad 2.

Druga tačka dnevnog reda je otvorena i Direktor TRA, g-din Ismar Alagić je izvijestio članove NO da realizacija aktivnosti na projektu Podizanja zasada malina teče planiranom dinamikom i da postoji manji zastoj u provedbi procedura javne nabavke. Istakao je da je proveden javni poziv na koji je pristiglo 50 prijava. Formirana je komisija koja je evaluirala prijave, obavila posjete i snimak situacije, te izvršila bodovanje svakog od prijavljenih. Do konačne liste korisnika ostalo je još da se održi sastanak sa svim prijavljenim 09.10. 2014. g. sa kojim će se dogovoriti svi detalji i naredni koraci na implementaciji projekta.

Predsjednik Nadzornog odbora Agencije g.-din. Amir Kurtić dao je na raspravu ovu tačku dnevnog reda. Za riječ se javio g.din Rasim Omerbašić i istakao da se svakoj aktivnosti pristupi sa maksimalnom oprežnošću posebno zbog negativnog iskustva na projektu zasada malina u proteklom periodu. Dobavljači sadnica moraju garantovati za ispravnost i ne smije se dozvoliti da dobavljač ne snosi odgovornost u slučaju lošeg kvaliteta i ispravnosti sadnica.

G-din Muharem Saračević je od Direktora TRA zatražio dodatne informacije o kriterijima javnog poziva na što je Direktor TRA ukratko objasnio glavne kriterije i iznos bodova po svakom kriteriju posebno.

Po završetku rasprave Nadzorni odbor TRA Agencije donosi:

## ZAKLJUČAK 2

**Informacija o realizaciji projekta: „Podizanje zasada maline“ se prima k znanju.**

### Ad 3.

Pod tačkom dnevnog reda 3. Razmatranje o prijemu uposlenika za potrebe realizacije projekta: „Podizanje zasada maline“ direktor TRA g.-din Ismar Alagić je upoznao članove NO TRA o razlozima i potrebi za prijem pravnik koji bi se primio u radni odnos na dva mjeseca nakon čega će se prebaciti na projekat COBEAR koji je odobren i čija implementacija treba da počne u naredna dva mjeseca. Isplata pravniku će ići iz projekta Podizanje zasada maline sa umanjenom platom koordinatoru na ovom projektu a koja će nakon dva mjeseca biti u ponom iznosu kako je planirano u budžetu projekta. Član NO TRA g.-din Rasim Omerbašić je sugerisao da se još jednom prekontroliše formulacija termina u prijedlogu ugovora. Nakon što niko od članova nije imao dodatnih pitanja i komentara Nadzorni odbor TRA Agencije jednoglasno donosi:

## ODLUKU


**o potrebi prijema zaposlenika na period od dva mjeseca za potrebe implementacije projekta „Podizanje zasada maline“.**

### Ad 4.


Po tački 4. Razno direktor TRA, g.-din Ismar Alagić je informisao članove NO TRA o provedenoj proceduri izlaska TRA Agencije iz PDV sistema i trošku koji je nastao po tom osnovu. Očekuje se još konačno rješenje o izlasku i da neće biti dodatnih troškova. Direktor je također informisao o odobrenju COBEAR projekta za koji je najavljeno i skoro potpisivanje ugovora sa Delegacijom EU u BiH. Spomenuto je da je u toku pregovaranje o partnerstvu i pripremi projekata na program Dunavske regije iz oblasti kulturno-historijskog naslijeđa i u sektoru deponovanja otpada.

Sjednica Nadzornog odbora Agencije je završena u 16 sati i 10 minuta.

Zapisničar :

  
Mr. Sc. Muahamed Džihic

Predsjednik Nadzornog odbora Agencije TRA

  
Amir Kurtić, dipl ing. Elektrotehnike